



Služba za reviziju finansijskog poslovanja

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 18. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2007. GODINU BOSS - BOSANSKE STRANKE – Mirnes Ajanović

Broj: 03-07-6-3407/08
Sarajevo, 27. marta 2009. godine

SADRŽAJ:

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS REVIZIJE	5
Predmet revizije	5
Cilj revizije	5
Obim revizije	5
4. PRETHODNE REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je reviziju godišnjeg finansijskog izvještaja BOSS - Bosanske stranke – Mirnes Ajanović za 2007. godinu.

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa Zakonom o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Utvdili smo da BOSS - Bosanska stranka – Mirnes Ajanović u izvještajnom periodu nije postupila u skladu sa odredbom člana 11. stav (3) Zakona o finansiranju političkih stranaka.

Prema našem mišljenju, osim navedenog, revidirani finansijski izvještaj ukazuje da je BOSS - Bosanska stranka – Mirnes Ajanović u 2007. godini postupala u skladu sa odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH je izvršila reviziju godišnjeg finansijskog izvještaja BOSS - Bosanske stranke – Mirnes Ajanović za 2007. godinu.

Revizija je preduzeta u skladu sa članom 14. stav (1) Zakona o finansiranju političkih stranaka («Službeni glasnik BiH» broj 22/00), članom 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08).

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja BOSS - Bosanska stranka – Mirnes Ajanović je iskazala ukupne prihode u iznosu od 178.214,60 KM¹, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u uk.prih. %
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	152.932,80	85,81%
	Ostali prihodi	25.281,80	14,19%
	Ukupni prihodi:	178.214,60	100,00%

U godišnjem finansijskom izvještaju stranka je iskazala ukupne rashode u iznosu od 169.243,95 KM.

2. PREDSTAVLJANJE POLITIČKE STRANKE

Naziv političke stranke: BOSS- Bosanska stranka – Mirnes Ajanović. Skraćeni naziv stranke je BOSS.

Stranka je upisana u registar političkih organizacija pod brojem R-I-8/94. Posljednja registracija je izvršena 31.01.2007. godine u Općinskom sudu u Tuzli pod brojem 032-0-Reg-07-000108.

Sjedište političke stranke je u Tuzli, ulica Kojšino br. 7.

Lice ovlašteno za zastupanje stranke je Mirnes Ajanović, predsjednik.

Lice ovlašteno za podnošenje finansijskih izvještaja za 2007. godinu je Nedžad Zonić.

Prema podacima iz godišnjeg finansijskog izvještaja za 2007. godinu², BOSS ima sljedeće organizacione odbore:

- Glavni odbor BOSS Tuzla, i
- 3 opštinska odbora.

¹ Struktura ukupnog prihoda je preuzeta iz obrasca 3 godišnjeg finansijskog izvještaja, koji je koji je dostavljen dana 25.03.2009. godine uz Primjedbe na Preliminarni izvještaj o reviziji.

² Podaci iz obrasca 1-1 godišnjeg finansijskog izvještaja, koji je dostavljen dana 04.03.2009. godine uz Primjedbe na Preliminarni izvještaj o reviziji.

3. OPIS REVIZIJE

Predmet revizije je godišnji finansijski izvještaj BOSS - Bosanske stranke – Mirnes Ajanović za 2007. godinu, i to sljedećih organizacionih dijelova:

- Glavni odbor BOSS Tuzla,
- Općinski odbor BOSS Zavidovići, i
- Općinski odbor BOSS Gračanica.

Cilj revizije je da revizoru omogući da izrazi mišljenje o tome da li je BOSS u izvještajnom periodu postupao u skladu sa odredbama Zakona o finansiranju političkih stranaka.

Obim revizije finansijskih izvještaja BOSS obuhvata kontrolu i provođenje analitičkih procedura radi utvrđivanje usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta i ostale prihode.

4. PRETHODNE REVIZIJE

Izvršen je pregled godišnjeg finansijskog izvještaja BOSS – Bosanska stranka – Mirnes Ajanović za 2005. godinu i izdat izvještaj o pregledu sa mišljenjem revizora, nalazima i preporukama revizije. Služba za reviziju je, takođe, izvršila pregled godišnjeg finansijskog izvještaja za 2006. godinu i izdala izvještaj o pregledu sa mišljenjem revizora, nalazima i preporukama da stranka treba da postupa u skladu sa odredbama člana 11. stav (3) Zakona o finansiranju političkih stranaka. Izvještaj o pregledu godišnjeg finansijskog izvještaja za 2006. godinu je stranci dostavljen nakon što je politička stranka Centralnoj izbornoj komisiji BiH podnijela godišnji finansijski izvještaj za 2007. godinu.

Nerealizovane preporuke

Na osnovu uočenih nedostataka u godišnjem finansijskom izvještaju za 2007. godinu, utvrđeno je da politička stranka nije ispoštovala sve preporuke koje su date u navedenim izvještajima jer nije popunila finansijski izvještaj u skladu sa Pravilnikom o godišnjim finansijskim izvještajima političkih stranaka.

5. NALAZI I PREPORUKE

5.1. NALAZI

Stranka je prekršila odredbu člana 11. stav (3) Zakona o finansiranju političkih stranaka.³

BOSS - Bosanska stranka – Mirnes Ajanović je prekršila odredbu člana 11. stav (3) Zakona o finansiranju političkih stranaka jer obrasce godišnjeg finansijskog izvještaja nije popunila u skladu sa Pravilnikom o godišnjim finansijskim izvještajima političkih stranaka.

- Stranka nije iskazala troškove zakupnine za poslovne prostorije koje koristi u Sarajevu, niti obaveze prema dobavljaču Službi za zajedničke poslove organa i tijela Federacije Bosne i

³ Politička stranka je obavezna da Centralnoj izbornoj komisiji BiH podnosi finansijske izvještaje na obrascima koje je odobrila Centralna izborna komisija BiH, a čiji su sadržaj i forma propisani Pravilnikom o godišnjim finansijskim izvještajima političkih stranaka.

Hercegovine. Prema ugovoru zakupnina za poslovne prostorije je za 2007. godinu iznosila 2.010,00 KM. Takođe, stranka nije iskazala obaveze prema dobavljaču u ukupnom iznosu od 4.020,00 KM⁴. BOSS u svojim poslovnim knjigama za 2007. godinu nije evidentirao ni troškove zakupnine niti obaveze po tom osnovu.

Takođe, u poslovnim knjigama nisu evidentirani ni troškovi zakupnine za poslovne prostorije u Zavidovićima u ukupnom iznosu od 480,00 KM, niti obaveze prema Općini Zavidovići u iznosu od 960,00 KM⁵.

Troškovi predizborne kampanje

BOSS - Bosanska stranka – Mirnes Ajanović je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 1.340,00 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM⁶ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, BOSS – Bosanska stranka – Mirnes Ajanović je u svrhu izborne kampanje za Prijevremene izbore za Načelnika Općine Donji Vakuf mogla da potroši 3.288,00 KM.

5.2. PREPORUKE

Preporučuje se BOSS - Bosanskoj stranci – Mirnes Ajanović da se pridržava odredbi Zakona o finansiranju političkih stranaka, a posebno na osnovu uočenih nedostataka se preporučuje:

- ***da postupa u skladu sa odredbama člana 11. stav (3) Zakona o finansiranju političkih stranaka i to:***
 - ***da finansijske izvještaje koje podnosi Centralnoj izornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka;***
- ***da uspostavi knjigovodstvene evidencije po odborima stranke s ciljem obezbjeđenja tačnih podataka o rashodima stranke⁷;***
- ***da definiše postupke i procedure internih kontrola vezanih za proces trošenja finansijskih sredstava stranke⁸; i***
- ***da ustroji upravljanje gotovinom putem blagajne i uvede obavezu vođenja blagajničkih izvještaja na dnevnom nivou⁹.***

⁴ Obaveze za 2006. i 2007. godinu prema Ugovoru broj: 01-23-81/06 od 09.01.2006.godine.

⁵ Stranka je retroaktivno, dana 21.03.2008. godine, sklopila Ugovor o korištenju poslovnih prostorija u vlasništvu Općine Zavidovići za period od 01.01.2006. godine do 31.12.2008. godine. BOSS je obaveze po osnovu zakupnine za 2006. godinu izmirio dana 23.04.2008. godine.

⁶ Član 15.10 stav 2. propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

⁷ Prihodi i rashodi nižih organizacionih dijelova stranke u poslovnim knjigama su iskazani na karticama konta koje su zajednički za sve odbore stranke.

⁸ Uvidom u dokumentaciju odbora čiji su izvještaji bili predmet revizije utvrđeno je da računi prije evidentiranja u poslovne knjige nisu ovjereni od ovlaštene osobe. Iz tog razloga je i došlo do pogrešnog knjiženja troškova i obaveza prema dobavljaču „Rinfuz pak“ ranijih godina, koje su isknjižene 31.12.2007. godine.

⁹ Blagajnički izvještaji su sačinjeni na mjesečnom nivou.

KOMENTAR

U ostavljenom roku, BOSS – Bosanska stranka – Mirnes Ajanović je dostavila očitovanje na Priliminarni izvještaj o reviziji godišnjeg finansijskog izvještaja za 2007. godine. Stranka je uz očitovanje dostavila i ispravljene obrasce godišnjeg finansijskog izvještaja, čime je većim dijelom otklonila nedostatke u popunjavanju finansijskog izvještaja navedene u Preliminarnom izvještaju o reviziji godišnjeg finansijskog izvještaja za 2007. godinu.

Zahvaljujemo se ovlaštenoj osobi za finansijske izvještaje i zaposlenim u Glavnom odboru BOSS – Bosanske stranke – Mirnes Ajanović na dobroj i korektnoj saradnji tokom obavljanja revizije finansijskih izvještaja.

Mr. Hasida Gušić, šef Službe

Sanja Čabrilo, revizor

Željko Bakalar, pomoćnik revizora